
PWYLLGOR TRWYDDEDU CANOLOG, 23.06.14

Yn bresennol: Y Cynghorwyr Eddie Dogan, Huw Edwards, Annwen Hughes, Louise Hughes, W.Tudor Owen, Peter Read, Angela Russell, Ann Williams, Elfed W. Williams, Eryl Jones-Williams

Hefyd yn Bresennol: Siôn Huws (Rheolwr Cydymffurfiaeth a Iaith), Gwenan M. Williams (Rheolwr Trwyddedu) a Lowri Haf Evans (Swyddog Cefnogi Aelodau a Chraffu)

Cymerodd y Cynghorydd Tudor Owen y cyfle i ddiolch yn fawr i bawb am eu cefnogaeth yn ystod ei gyfnod fel Cadeirydd.

1. ETHOL CADEIRYDD

Penderfynwyd ethol y Cynghorydd Eryl Jones - Williams yn Gadeirydd am y cyfnod 2014-2015

2. ETHOL IS GADEIRYDD

Penderfynwyd ethol y Cynghorydd Huw Edwards yn Gadeirydd am y cyfnod 2014-2015

3. CROESO AC YMDDIHEURIADAU

Croesawyd pawb i'r Pwyllgor gan y Cadeirydd, y Cynghorydd Eryl Lloyd Williams, Derbyniwyd ymddiheuriadau gan y Cynghorwyr Dilwyn Lloyd, Llywarch Bowen Jones, Chris O'Neal a Peter Read.

4. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

5. MATERION BRYD

Dim i'w nodi

6. COFNODION CYFARFOD DIWETHAF

Llofnododd y Cadeirydd gofnodion cyfarfod o'r pwyllgor a gynhaliwyd ar 9fed o Ragfyr 2013, yn ddarostyngedig ar gywirdeb i Rhan 2: Eitem 1 (iii) Gosod terfyn amser i sylwadau.

Cywirdeb: 'Gwnaed cais i osod terfyn amser ar y sylwadau sydd yn cael eu cyflwyno gan **bawb**. Hyn yn creu tegwch i bawb.

*Cynigiwyd terfyn amser o ddim mwy na deg munud
Cytunwyd'*

7. COFNODION IS-BWYLLGORAU TRWYDDEDU CANOLOG

Cyflwynwyd, er gwybodaeth, gofnodion cyfarfodydd o'r Is-bwyllgor Trwyddedu Canolog a gynhaliwyd ar 21.1.2014 a 20.2. 2014.

8. CEISIADAU TRWYDDED EIDDO ANNILYS

Derbyniwyd adroddiad gan Pennaeth yr Adran Rheoleiddio yn argymhell i'r Pwyllgor gefnogi swyddogion yr Awdurdod Trwyddedu i weithredu gyda'r nôd o sicrhau nad yw ceisiadau annilys yn cael eu cyflwyno.

Amlygwyd bod yr Adain Drwyddedu wedi gorfod gwrthod sawl cais am drwydded eiddo, neu geisiadau am amrywiad o drwydded eiddo yn ddiweddar, oherwydd nad oeddynt wedi eu cyflwyno yn unol â gofynion y Ddeddf Drwyddedu a'r rheoliadau perthnasol.

Manylwyd ar ofynion y ddeddfwriaeth a'r rheoliadau perthnasol a'r goblygiadau o gyflwyno ceisiadau annilys. O safbwynt y sefyllfa gyfreithiol eglurwyd bod mesurau wedi eu rhoi mewn lle i dynhau'r broses o graffu pob cais a dderbynnir gan yr Uned Drwyddedu. Gall hyn geisio sicrhau na fydd ceisiadau annilys yn cael eu cyfeirio at yr Is bwyllgorau am benderfyniad. O ganlyniad, gellid osgoi sefyllfa lle bydd rhaid gohirio gwrandawriad ar y diwrnod os daw tystiolaeth i law nad yw ceisiadau wedi eu cyflwyno yn unol â gofynion y ddeddfwriaeth. Amlinellwyd nad oedd hawl gan swyddogion nac Is Bwyllgor yr awdurdod cyfreithiol i wneud penderfyniadau ar geisiadau annilys.

Mewn ymateb i gwestiynau gan yr Aelodau, nododd y Swyddog Trwyddedu bod yr Adran Trwyddedu

- wedi addasu eu trefniadau i dynhau'r broses
- yn sicrhau bod tystiolaeth cyson yn cael ei gasglu pan fydd cais o fewn cyfnod ymgynghorol.
- Yn gweithredu mewn ymateb i ofynion statudol y ddeddf
- Nodwyd bod hi'n anodd rhagweld tystiolaeth sydd yn cael ei gyflwyno yn hwyr yn y dydd

Croesawyd yr argymhelliad gan fod rhai Aelodau o'r farn bod ceisiadau annilys sydd wedi bod gerbron yr is-bwyllgorau yn gamddefnydd o adnoddau prin Swyddogion ac Aelodau'r Cyngor.

PENDERFYNWYD derbyn argymhelliad y Pennaeth Rheoleiddio

Dechreuodd y cyfarfod am 10:00a.m a daeth i ben am 10:45am